

## Religiuns dil mund

La noziun religiun dil mund cumpegia il pli savens las suandontas tschun religiuns :

- **Cristianissem** cun circa 2,1 milliardas adherents
- **Islam** cun circa 1,3 milliardas adherents
- **Hinduissem** cun circa 850 milliuns adherents
- **Buddhismus** cun circa 375 milliuns adherents
- **Giudaissem** cun circa 15 milliuns adherents

**Il Cristianissem** ei ina religiun monoteistica. Ella basescha sin las ductrinas da Jesus da Nazareth ch'ei il fegl da Diu e tenor la sontga Scartira il spindrader dalla carstgaunadad. Ils adherents dil Cristianissem vegnan numnai cristians. La sontga Scartira ei la bibla. Remplazzant mundan ei il papa el Vatican a Roma.

Ei dat ina tradiziun orientala, la baselgia ortodoxa ch'ins anfla surtut ell'Europa digl ost, el Balcan, el Proxim Orient, India ed el nordost dall'Africa.

La tradiziun dil vest vegn repartida en la baselgia catolic-romana ed ella baselgia evangelica. Sper quellas duas baselgias principalas dat ei sco tier tuttas religiuns biaras autras confessiuns.

Era igl **Islam** ei ina religiun monoteistica. Dieus vegn numnaus Allah e la sontga Scartira ei il Coran. El spazi nua ch'ei vegn discurretu tudestg vegnan ils adherents numnai muslims. Sper il Coran, che munta il nunfalsificau plaid da Diu valan ils plaids e fatgs da Mohammed sco fontauna da cardientscha.

La pli gronda gruppaziun egl Islam fuorman ils Sunnits ( circa 85 % ), suandai dils Schinits. Ei dat aunc pliras tendenzas ch'ei savens derasadas geograficamein.

**Il Hinduissem** ha siu origin ell'India, ses adherents vegnan numnai Hindus. El consista da differentas religiuns che secuvieran mo possedan era differenzas. Ils pli biars adherents dil Hinduissem crein denton vid la reincarnaziun, che veta e mort fuormian ina circulaziun. Ina dallas pli veglias sontgas Scartiras senumna

Veden. Il Hinduism ei enconuschents per siu sistem da scaffas, ch'ei vegnius scumandaus muort discriminaziun.

**Il Buddhismus** ei derasaus oravontut ell'Asia dil sid e digl ost. Il fundament da quella religiun ei la ductrina dil Siddharta Gautama, che viveva el nord dall'India e vegn numnaus il « Buddha historic ». Buddhists crein, che mintga creatira seigi suttamessa ad ina infinita circulaziun. Il Nirwana, pia l'erupziun ord quella circulaziun sa mo vegnir aquistada entras tener en ils principis dalla cardientscha e la « destadada ».

**Il Giudaism** ei ina religiun monoteistica. La sontga Scartira dil Giudaism ei la Tora. Cuntrari al Cristianism ed agl Islam renunzia il Giudaism alla missiun dad auters cartents. Era cheu dat ei differentas tendenzas sco per exempel il Giudaism orthodox ed il Giudaism liberal.

### **La structura dalla baselgia catolica**

La baselgia ei la cuminonza da tut ils battegi, che crein vid Jesus Cristus. Jesus Cristus ei il cau dalla baselgia.

El ha nominau igl apiestel Pieder sco siu remplazzant sin tiara.

Il successur da sogn Pieder ei il papa.

El ei il cau pincipal dalla baselgia cheu sin tiara e diregia l'entira baselgia.

El ei il pli ault scolast, pastur, spiritual e medemamein adina uestg da Roma.

Ils uestgs ein ils successurs dils apostels e diregian in intschess dalla baselgia, ch'ins numna diocesa ni uestgiu.

Las diocesas ein vinavon partidas en pleivs.

Cau dalla pleiv ei igl augsegner.

Pliras pleivs ensemen fuorman in decanat, dirigidas dad in decan.

**Pensum : Rispunda a suandontas damondas !**

**Co ha il papa num ?**

---

**Tier tgei diocesa s'audas ti e co ha igl uestg da tala num ?**

---

**Co ha igl augsegner da tia pleiv num ?**

---

**Cons adherents ha igl Islam sigl entir mund ?**

---

**Enteifer la religiun digl Islam sedifferenzieschan duas gruppaziuns principalas.  
Co senumnan quellas ?**

---

**Co senumna la sontga Scartira egl Islam ?**

---

**Co numnan ins ils adherents dil Hinduism ?**

---

**Tgei animal vegn tractaus sco in animal sogn ella religiun dil Hinduism ?**

---

**Co senumna la sontga Scartira el Hinduism ?**

---

**Nua ei la religiun dil Budism oravontut derasada ?**

---

**Nua viveva Siddharta Gautama ?**

---

**Tgei num enconuschin nus oz en connex cul Budism ?**

---

**Cons adherents ha il Giudaism sigl entir mund ?**

---

**Co senumna la sontga Scartira dil Giudaism ?**

---

**Il Giudaism ei ina religiun monoteistica. Tgei munta quei ?**

---

